

## Møtereferat

Dato: 05.06.2015

Emne:	<b>Referat frå RMNF-AU 050615</b>		
Til stades:	Harald Norheim Jostein Ljones		
Forfall:			Sak: 2014/558-141
Møtetid:	11:00-13:15	Møtestad: Fylkesutvalssalen, fylkeshuset	

**Møteleiar: Harald Norheim****Referent: Ingeborg Borgen Takle****Sak 07/15 Studietur for rådet sine medlemar**

RMNF har vedteke å gjennomføre ein studietur til London, helst i samband med det siste møtet før ferien, 24. juni. AU fekk fullmakt til å planlegge turen.

**VEDTAK**

Arbeidsutvalet vedtok at møtet vert heldt på flyplassen, 24. juni før avreise eller 23. juni på ettermiddag/kveld, og at alle medlemar får tilbod om overnatting på hotellet på flyplassen. Rådet tek eit fly på formiddagen og reiser heim dagen etter på kvelden. Programmet vert noko slikt:

- Kommer til hotellet
- Møte med transportavdelinga eller noko liknande organisasjon
- Middag
- Musikal

Neste dag:

- Besøk til British Museum med møte der ein får forklart kva som vert tilrettelagt og korleis.
- Møte med fylkeskommunen?
- Heimreise

Målet er å bruke den informasjon som er tilgjengeleg for at alle i reisefølgje skal få så bra oppleving som mogleg, og sjå om det er aktuelle tiltak ein bør foreslå for Hordaland fylkeskommune. London har fått ein enorm utvikling på området universell utforming etter London 2012, og paralympics, og dette gler arbeidsutvalet seg til å sjå meir av.

Arbeidsutvalet vedtok å sende ein søknad til fylkesordførar via sekretær om å få lov til å reise til utlandet via sekretær.

Arbeidsutvalet vedtok å be om tilbakemelding frå medlemane snarast for å sikre at så mange som mogleg kunne vere med.

**Sak 8/15 Oppfølging opplæringsavdelinga**

RMNF har sendt to førespurnadar til opplæringsavdelinga. Her er tilbakemelding på dei:

- Angående skulebruksplanen og tilrettelagt opplæring: Sakshandsamar har svart på førespurnaden, men det er ikkje sendt vidare til sekretær.
- Pedagogisk arkitektur: RMNF har fått tilsendt utkast til ny plan for pedagogisk arkitektur som vert lagt fram som sak til hausten. Sakshandsamar har lagt til innspel frå rådet frå orienteringsmøtet i samband med Nye Voss vidaregåande skule.

## **VEDTAK**

Arbeidsutvalet vedtok:

Skulebruksplanen og tilrettelagt opplæring: å purre på opplæringsavdelinga for svaret frå sakshandsamar, og legge dette ved neste rådsmøte som referatsak.

Pedagogisk arkitektur: å sette opp som sak på neste rådsmøte med følgjande uttale: «Rådet for menneske med nedsett funksjonsevne set pris på å få tilsendt utkast til ny plan for pedagogisk arkitektur. Det er tydeleg at dei innspela rådet har kome med har vore teke med i arbeidet og rådet er særns nøgd med punkt 2.2 på side 5. Rådet støttar planen og ber om å få den på høyring når den vert sendt til politisk handsaming til hausten.»

Ny plan for pedagogisk arkitektur vert satt opp som politisk sak på neste rådsmøte.

### **Sak 9/15 Utdeling av årsmeldinga 2014 frå rådet for menneske med nedsett funksjonsevne**

Årsmeldinga for 2014 frå rådet skal opp til handsaming i fylkestinget 9.-10. juni.

## **VEDTAK**

Arbeidsutvalet ber om at årsmeldinga vert trykka opp og delt ut til medlemane i fylkestinget.

### **Sak 10/15 Oppfølging samferdsel**

RMNF hadde innspel på to sakar i samferdselsutvalet, der Jostein Ljones fremja begge i møtet.

## **VEDTAK**

Arbeidsutvalet ber om at protokollen i dei to sakane vert lagt ved som referatsak på neste rådsmøte.

### **Sak 11/15 Orientering frå kulturavdelinga**

RMNF har bedt om ein orientering om tilskotsordningar og kva kriterier det er for tilgjengelegheit til aktivitetar for menneske med nedsett funksjonsevne.

## **VEDTAK**

Arbeidsutvalet ser at ved eit møte 24. juni på flyplassen vil det vere vanskeleg for kulturavdelinga å stille med ein orientering. Arbeidsutvalet ber derfor om at rådet får eit kort skriftleg notat angående tilskotsordningane, og dersom det er fleire spørsmål vil utvalet be om å få ein munnleg orientering til hausten.

### **Sak 12/15 Hausten og valet**

Det er fylkestingsval den 14. september. Fylkestinget godkjenner valet i midten av oktober og i slutten av oktober vert utvala vald. Rådet sitt siste ordinære møte er i september og møtet i november vil vere med både det nye og gamle rådet. Rett etter at det nye rådet har byrja må årsmeldinga skrivast.

## **VEDTAK**

Arbeidsutvalet vedtok at rådet må skrive eit utkast til årsmeldinga som kan presenterast til det nye styret. Eit forslag til eit slikt utkast må vere ferdig til rådsmøtet i september, og helst til 19. august. Arbeidsutvalet vil be om at Kjell Søvik gjentek den gode jobben han gjorde med årsmeldinga for 2014 og lagar eit forslag til årsmelding 2015 innan 19. august. Rådet må og sjå på kva sakar rådet bør jobbe vidare med og ha fokus på.

Arbeidsutvalet vedtok at følgjande saker skal opp som politiske saker på rådsmøtet i september:

- Utkast til årsmelding
- Saker rådet meiner på ha fortsatt fokus
- Overlevering av kompetanse til nytt råd
- Budsjet 2016, for rådet og for fylkeskommunen